





# 庶物類纂

草屬  
自七十六至七十八







庶物類纂草屬卷之七十六目次

董

蓴

一名蓴顏氏家訓 一名露葵上同 一名茆毛詩 一名魚木蟲草鳥獸

疏 一名水葵同上 一名水戾毛詩正義 一名浮菜上同

一名豬蓴同上 一名蓴龜酉陽雜俎續集 一名鳧葵爾雅

翼 一名鰐蹠草同上 一名馬蹄草本草綱目 一名錦

帶上同 一名葵蓴羣芳譜 一名淳菜農政全書 一名水

薺

薺陶隱居云。薺性寒。又云。冷補下氣。雜鱠魚作羹亦逐水。而性滑。服食家不可多取。唐本注云。薺久食。大宜入合鮒魚爲羹食之。主胃氣弱不下食者。至效。又宜老人。此應在上品中。三四月至七八月通名絲薺。味甜體軟。霜降已後至十二月。名瑰薺。味苦體澀。取以爲羹。猶勝雜菜。今按陳藏器本草云。按此物溫病起食者多死。爲體滑。脾不能磨。常食發氣。令關節急嗜。種若下稱上品。主腳氣。腳氣論中。令人食之。此誤極。

淡也。嘗所居近湖，湖中有蓴及藕。年中大疫，既飢人取蓴食之，疫病差亦死。至秋大旱，人多血痢。湖中水竭，掘藕食之，闔境無他。蓴藕之功於斯見矣。臣禹錫等謹按蜀本圖經云：生水中，葉似鳧葵，浮水上，採莖堪噉。花黃白紫色。三月至八月莖細如鉗股，黃赤色，短長隨水淺淺而名爲絲蓴。九月十月漸纏硬，十一月崩在泥中，纏短名塊蓴。體苦澀，惟取汁味爾。孟說云：蓴菜和鯽魚作羹，下氣止嘔，多食發痔，雖冷而補熱食之，亦擁氣不下，甚損人胃及齒，不可多食。令人。

顏色惡，又不安和醋食之，令人骨痿少食，補大小腸虛氣。久食損毛髮，陳藏器云：蓴雖水草性熱，擁又云石蓴味甘平無毒，下水利小便，生南海石上，南越志云似紫菜，色青，臨海異物志曰：附石生是也。日華子云：絲蓴治熱疽，厚腸胃，安下焦，補大小腸虛氣，逐水解百藥毒，并鹽氣。嘉祐補註本草。

蓴字本作純，從純，乃絲名，其莖似之故也。齊民要術云：純性純，而易生，種以淺淡爲候，水淡則莖肥，而葉少，水淺則莖瘦而葉多，其性逐水而滑，故謂之純。

菜，并得葵名，顏之推家訓云：蔡胡父諱純，改純爲露葵。北人不知以綠葵爲之，詩云：薄采其茆，卽莼也。或諱其名，謂之錦帶。明李東壁本草綱目

蓴生南方湖澤中，惟吳越人善食之。葉如荇菜而差圓形似馬蹄，其莖紫色大如筋，柔滑可羹。夏月開黃花，結實青紫色，大如棠梨，中有細子。春夏嫩莖味葉者名稚蓴，稚者小也。葉稍舒長者名絲蓴，其莖如絲也。至秋老則名葵蓴，或作豬蓴，言可飼豬也。又訛爲瑰，尊龜蓴焉。餘見葵下同。

謹按本草說，蓴以爲形似馬蹄者非是也。袁中郎曰：蓴葉微類初出水荷錢，其枝丫如珊瑚而細，又如鹿角菜，其凍如冰，如白膠附枝葉間，冷冷欲滴，甚爲的確。

蓴一名茆，一名錦帶，一名水葵，一名露葵，一名馬蹄草。一名缺盆草，生南方湖澤中，最易生，種以水淺淺爲候，水淺則莖肥而葉少，水淺莖瘦而葉多，其性逐水，而滑，惟吳越善食之。葉如荇菜而差圓形似馬蹄，莖色大如箸，柔滑可羹。夏月開黃花，結實青紫色，大

如棠梨中有細子三四月嫩莖未葉細如釵股黃赤色名稱蕷又名雞尾蕷體軟味甜五月葉稍舒長者名絲蕷九月萌在泥中漸粗硬名瑰蕷或作葵蕷十月十一月名豬蕷又名龜蕷味苦體澀不堪食取汁作羹猶勝他菜味甘寒無毒治消渴熱痺厚腸胃安下焦逐水解百藥毒竝盡氣明王蓋臣二

張翰字季鷹有清材善屬文齊王冏辟爲東曹掾

因見秋風起思吳中菰菜蓴羹鱸魚膾曰人生貴適志何能羈宦數千里外以要名爵乎遂命駕而歸俄而

問敗人以爲知幾晉書○同上

蓴菜生松江華亭谷郡志載之甚詳吾家步兵所爲寄思于秋風者也然武林西湖亦有之袁中郎狀其味之美云香脆滑柔略如魚髓蟹脂而輕清遠勝其品無得當者惟花中之蘭果中之楊梅可以異類作上配余謂花中之蘭是矣果中楊梅豈敵並蕷何不下以荔枝易之中郎又謂問吳人無知者蓋蓴惟出予吾郡所產既少又其味易變不能遠致故耳張七澤同上

蓴魯頌曰薄採其茆註云茆鳶葵也詩義疏云茆與葵相似葉大如手亦圓有肥斷

著手中滑不得停也莖大如箸皆可生食又可約滑羹江南人謂之蓴菜或謂之水葵本草云雜鯉魚作羹亦逐水而性滑謂之淳菜或謂之水芹

服食之不可多○明徐光啓農政全書

齊民要術曰近陂湖可於湖中種之近流水者可決水爲池種之以淺淺爲候水淺則莖肥葉少水淺則葉多而莖瘦專性易生一種永得宜潔淨不耐汚糞穢入池即死矣種一斗餘許足用上

茆鳧葵也

毛詩傳

茆音卯徐音柳韋昭崩藻反干寶云今之茆蘆草堪爲道江東有之何承天云此菜出東海堪爲菹醬也

鄭小同云江南人名之蓴菜生陂澤中草木疏同又云或名水戾一云今之浮菜卽豬蓴也本草有鳧葵陶弘景以入有名無用品解者不同未詳其正沈以下同及草木疏所說爲得鳧音符唐孔穎達毛詩正義茆與荇菜相似葉大如手赤圓有肥者著手中滑不得停莖大如七柄葉可以生食又可鬻滑美江東人謂之蓴菜或謂之水葵諸陂澤水中皆有唐陸璣毛詩草木鳥魚疏獸蟲

蓴根羹之絕美江東謂之蓴唐段成式酉陽雜俎續集

謹按魏王花木志同他書作龜蕎

茆社子春讀爲卯說文作力久切以泮宮詩讀之思  
樂泮水薄采其茆魯候戾止在泮飲酒說文音爲叶  
陸璣云茆與荇葉相似葉大如手赤圓有肥者著手  
中滑不得停莖大如七柄葉可以生食又可鬻滑美  
江南人謂之蓴菜或謂之水葵諸陂澤水中皆有鄭  
小同亦云江南名之蓴菜生陂澤水中但今蓴小於  
茆陸璣所說蓴則大於茆今蓴菜自三月至八月莖  
細如釵股黃赤色短長隨水深淺名爲絲蓴九月十

月漸麤硬十一月崩在泥中麤短名瑰蓴味苦體澀  
取以爲羹猶勝雜菜空下雜鮒鯉爲羹又空老人又今  
吳人嗜蓴菜鱸魚蓋魚之美者復因水菜以芼之兩  
物相宜獨爲珍味然以鱸鰻爲之更足生病古人云  
俗無良醫枉死者半拙醫療病不如不療喻如宰夫  
以鱸鰻爲蓴羹食之更足成病豈充饑之可望乎周  
禮有茆道用此物爲菹鄭大夫讀茆爲茅謂茆初生  
者故杜音鄭義茲不從然茆既爲蓴後鄭及許叔重  
皆云鳧葵而蜀本圖經稱蓴葉似鳧葵則有異同一本

草有蓴又有鳧葵者蓋本草以荇爲鳧葵也千寶又解詬云今之鮀藻草堪爲道江東有之何承天云此菜出東海堪爲菹醬不可用宋羅願

杜子美祭房相國九月用茶藕蓴鮀之奠蓴生於春

爾雅翼

至秋則不可食不知何謂而晉張翰亦以秋風動而思菰菜蓴羹鱸鱠固秋物而蓴不可曉也宋張邦基墨莊漫錄

謹按袁中郎亦曰蓴以春暮生入夏數日而盡秋風鱸魚將無非是抑千里湖中別有一種蓴邪其

說俱非也張翰知齊王罔將敗故感秋風起動鄉思也非言菰蓴亦秋物而思之也此因思鱸以及蓴菰耳

晉書載陸機造王武子武子置羊酪指示陸曰鄉吳中何以敵此陸曰千里蓴羹末下鹽豉或者謂千里末下皆地名蓴豉所出之地而世說載此語則曰千里蓴羹但未下鹽豉又曰未嘗將鹽下蓴羹坡意正協世說然杜子美詩曰我思岷下芋君思千里蓴張鉅

山詩曰、一出脩門道重嘗末下、尊觀<sub>二</sub>公所云是又以千里末下爲地名矣。前輩諸公之見不同如<sub>二</sub>此僕觀見<sub>三</sub>湖<sub>人</sub>陳<sub>和</sub>之言千里地名在建康境上。其地所產<sub>三</sub>尊菜甚佳計末下亦必地名。細素雜記漁隱叢話皆引<sub>二</sub>世說之言以謂末下當云末下而漁隱謂千里者湖名且引酉陽雜俎酒食而亦有千里之尊僕謂末下少見出處千里尊言者甚多如南北史載沈文季謂崔祖忠曰千里尊羹非關魯衛梁太子啓曰吳愧千里之尊蜀懸七菜之賦吳均移曰千里尊羹萬

丈名膾千里之尊其見稱如此宋王楙野客叢書

尊菜最宜鹽豉所謂末下<sub>二</sub>鹽豉者言下<sub>二</sub>鹽豉則非<sub>二</sub>羊酪可敵蓋盛言尊羹之美爾宋陸游劍南詩彙

湖中多尊餳孟云永興湘湖尊菜三月盡採賣至秋則無人採矣孟此語止一方之見耳春尊如亂髮成一本此則猶常菜不足異秋尊長丈許中止一二尺生冰甚滑一二尺外皆棄物且春尊嫩不可作羹秋風之思在此一二尺間耳以菜體計之宜永興之不<sub>二</sub>先知採也明徐獻忠吳興掌故集

尊以張陸所誇遂爲吳中口實然實不佳且非池塘間物也

明王敬美學圃雜疏

蕭山櫻桃鶯鳥尊菜皆知名而尊尤美尊採自西湖浸湘湖一宿然後佳若浸他湖便無味浸處亦無多地方圓僅得數十丈許其根如苻其葉微類初出水荷錢其枝丫如珊瑚而細又如鹿角菜其凍如冰如白膠附枝葉間清液冷冷欲滴其味香粹滑柔略如魚髓蟹脂而清輕遠勝半日而味變一日而味盡比之荔枝尤覺嬌脆矣其品可以寵蓮嬖蕙無得當者

唯花中之蘭果中之楊梅可異類作配耳惜乎此物東不踰紹西不過錢塘江不能遠去以故世無知者余往任吳問吳人張翰尊作何狀吳人無以對果若爾季鷺棄官不爲折本矣然尊以春暮生入夏數日而盡秋風鱸魚將無非是抑千里湖中別有一種尊邪湘湖在蕭山城外四市皆山余游時正值湖水爲漁者所盜湖面甚狹行數里卽返舟同行陶公望王靜虛舊向余誇湘湖者皆大慚失望明袁中郎全集

茆尊菜也生水中葉似鳧葵浮水上採莖堪啜花黃

白子紫色三月至八月莖細如釵股黃赤色短長隨水淺淺而名爲絲蓴九月十月漸麤硬十一月崩在泥中粗短名瑰蓴味苦體澀取以爲羹猶勝諸菜宜雜鮒鯉爲羹陸璣云茆與荇菜相似葉大如手赤圓有肥者著手中滑不得停莖大如七柄葉可以生食又可鬻滑美江南人謂之蓴菜或謂之水葵但今蓴小於茆如陸所說則大於茆干寶云今之茆蹠草堪爲菹江東有之何承天云此菜出東海堪爲菹也傳云鳧葵鳧葵是茆菜恐誤耳

明吳元化鳥獸草木疏

茆蹠草名詩魯頌疏干寶云韻藻謂卽蓴菜又名水戾卽茆也

明陳懋仁庶物異名疏

周禮醢人朝事之豆茆菹醬注云茆鳧葵釋文云茆音卯北人音柳

明馮嗣宗六家詩名物疏

干寶云今之茆蹠草堪爲菹江東有之上同

鄭小同云江東人名之蓴菜生波澤中同上

按本草鳧葵是茆菜蓴別一物今陸璣鄭小同之說觀之茆是蓴耳干寶何承天之說非也或以爲豬蓴豬蓴卽本草圖經所謂瑰蓴又一名龜蓴茆與荇本

相似故古人卽謂之鳧葵同上

尊字作純水葵也本草云尊乃菜之上味生水中葉似鳧葵浮水上莖甚淡雞跖集云四月尊生莖而未葉名雉尾尊五月尊葉舒長名絲尊七八月不中食有蠅蟲故也至十月水凍蟲死雖老猶可食圖經春夏細長肥澤三月至八月莖細如針股名懸葵短長隨水淺深名尊味甜軟九月至十一月漸粗在泥中名龜尊爲塊尊又有石尊絲紫者按蔡朗父譯純故名尊爲露葵顏氏家訓明鄒善長

彙苑詳註

說文博雅俱云茆鳧葵也毛傳朱注亦同杜子春讀爲卯許慎以泮宮詩讀之作力久切周禮醢人朝事之豆用茆註云茆鳧葵北人音柳鄭大夫又讀爲茅謂茆初生者此不過方言各別耳爾雅翼云今尊小于茆陸璣所說則大于茆今尊自三月至八月莖細如針股黃赤色短長隨水淺深名爲絲尊九月十月漸麤硬十一月崩在泥中麤短名塊尊味苦澀取以爲羹猶勝雜菜吳人嗜尊菜鱸魚蓋魚之美者復因水菜以芼之兩物相宜獨爲珍味然以鮮鼈爲之

更足生病。陸德明云。千寶曰。今之覩蹠草。堪爲菹。江東有之。何承天曰。此菜出東海。堪爲菹。不可用。鄭小同云。江南人名之。尊菜。生波澤中。草木疏同。或又名水戾。一云今之浮菜。卽豬尊也。本草有鳧葵。陶弘景以入有名無用。品解者不同。未詳其正。明毛晉陸按諸說。則茆爲鳧葵。鳧葵爲尊。無疑矣。但本草以尊又一物。鳧葵卽荇菜圖經。又稱尊葉似鳧葵殆亦以鳧葵爲荇菜歟。同上

謹按尊荇烏英三物。皆有鳧葵之稱。形似而物異。

故其易相混如此。

尊葉似鳧葵。浮水上。花黃白。子紫色。莖細如釵股。一名

紫尊味甘。

福州府志

尊菜出華亭谷及松江。甘滑宜芼羹。葉似露葵。四月生。名雉尾尊。最肥美。自此葉舒長足。莖細如釵股。短長隨水淺深。名絲尊。五六月用之。入秋冬。有蝸蟲著其上。不可辨食之。損人。至水凍蟲死。仍可食。陸機初入洛。見王濟。濟指羊酪曰。吳中何以敵此。機云。千里尊羹。末下鹽豉。時人以爲名對。齊高帝置酒。設尊膾。

崔思神曰此味故爲南北所推沈文季曰千里蓴羹豈關魯衛然則千里末下皆吳中地名也楊萬里蓴菜詩鮫人直下白龍潭割得龍公滑碧鬚曉起相傳蕊珠殿夜來失卻水晶簾一杯淡煮空醒酒千里何須更下鹽可是士衡殺風景<sub>左</sub>卻將羶膩比清纖王鑿蓴菜序云金澤僧辨如海年八十九矣手製蓴菜併詩見貽因和之玉盤急足送蓴絲風味鮮新慰所思金澤老禪三十昧手當時張翰未曾知

松江府志

蓴出西湖

萬曆杭州府志

蓴俗呼馬蹄草

重修鎮江府志

蓴本作莼多生東錢湖

寧波府志

蓴一作莼生水中葉徑一二寸形圓如馬蹄有一缺本草名水葵又名馬蹄草又作茆毛詩薄采其茆卽莼也亦名絲蓴味甜體軟人喜食之然不如吳越慶惠者

河間府志

蓴菜出烏程蘇灣者佳

湖州府志

蓴菜蓴音純出水中生白花長四五尺卽張翰之所

蓴葉如荇菜而紫莖大葉如箸葉底莖外天生一層明如水晶柔滑可羹合鮑魚食之佳晉陸璣詩王武子前置數斛酪王曰江東何以敵此陸云有千里蓴羹但未下鹽豉耳蕭山湘湖之蓴特珍柔滑而腴方言夏灣產尤佳

吳縣志

紹興府志

春時采蓴小舟滿湖中

蓴菜生水澤中性冷而味佳卽張季鷹所思者常熟杭州蓴菜來自蕭山惟湘湖爲第一四月初生者嫩

常熟縣志

而無葉名雉尾蓴葉舒長名綠蓴至秋則無人採矣劉士亨寄魏文靖公詩有云當代推公獨擅場李唐詩句漢文章湘湖春晚多風味蓴菜櫻桃次第賞宋時沈文通送施密學守錢塘詩有云湖山滿目舊遊在何日從公醉紫蓴疑其時蓴或亦自越中來也聞之漁人云西湖第三橋近出蓴菜不下湘湖者明田汝成西湖遊覽志餘

蓴菜出烏程蘇灣者佳陸士衡云吳中有千里蓴羹但未下鹽豉爾山之湘湖亦多蓴陸務觀云湘湖

廣雅

之尊特珍柔滑而腴

浙江通志

尊荇類葉如馬蹄有缺者尊也李長蘅曰袁石公盛稱湘湖尊羹不知湘湖無尊皆從西湖采云又謂非湘湖水浸不佳不知尊初摘時必浸之經宿乃愈肥不必湘湖也然西湖人無知者尊莖如珊瑚而細又如鹿角菜其凍如冰如白膠附枝清液冷冷欲滴香粒滑柔如魚髓蟹脂而清輕遠勝

清皖桐方氏物理小識

陸之蕈水之尊皆清虛妙物也予嘗以二物作羹和以蟹之黃魚之肋名曰四美羹一座客食而甘之曰今

而後無下箸處矣

清李漁間情偶奇

庶物類纂草屬卷之七十七目次

荳

水粟

水鏡草

膚舌

浮薺

萍蓬草

荳

一名接余爾雅 一名荷上同 一名荇爾雅疏 一名水

荇鄭夾漈爾雅註 一名茆廣雅 一名鳧葵嘉祐補註本草 一名

荇絲菜本草綱目 一名荳公鬚上同 一名醫子菜上同

一名金蓮子上同 一名攀上同 一名屏風上同 一名

豬尊顏氏家訓 一名朝日蓮益部方物略記 一名萎餘雅坤

一名金蓮兒農政全書 一名藕蔬菜上同 一名燈心

菜肇慶府志 一名馬蹄草經驗良方 一名缺盆草上同

## 荳

荳接余其葉荷爾雅○荳音荷接侍節切

叢生水中葉圓在莖端長短隨水深淺江東食之亦呼荳晉郭璞註

荳菜一名接余其葉名荷郭云叢生水中葉圓在莖端長短隨水深淺江東食之亦呼爲荳詩周南關雎云參差荇菜是也荇與荳同陸璣疏云接余白莖葉紫赤色正圓徑寸餘浮在水上根在水底與水深淺等大如鉗股上青下白鬻其白莖以苦酒浸之肥美

可案酒宋邢昺爾雅疏

今水荇也蔓鋪水上

宋鄭玄爾雅註

鳧葵唐本注云南人名豬蓴堪食有名未用條中載也今按別本注云卽荇菜也生水中葉似蓴莖澀根極長江南人多食云是豬蓴全爲誤也豬蓴與絲蓴竝二種以春夏細長肥滑爲絲蓴至冬短爲豬蓴亦呼龜蓴此與鳧葵殊不相似也南人擣汁服之療寒熱也唐本附臣禹錫等謹按日華子云豬蓴解蠱毒毒藥絲蓴已見蓴條解之今按唐本注云有名未用條

中載也而尋有名未用條中卽無鳧葵豬蓴蓋經開寶詳定已刪去也嘉祐補註本草

鳧葵卽荇菜也舊不著所出州土云生水中今處處池澤皆有之葉似蓴莖澀根長花黃色水中極繁盛謹按爾雅荇謂之接余其葉謂之荇郭璞以爲叢生水中葉圓在莖端長短隨水深淺江東人食之詩周南所謂參差荇菜是也陸璣云白莖葉紫赤色正圓徑寸餘浮在水上根在水底大如鉤股上青下白鬻其白莖以苦酒浸脆美可以案酒今人不食醫方亦

鮮用

本草經圖

按爾雅云荅接余也其葉荷則鳬葵當作荷葵古文通用耳或云鳩喜食之故稱鳩葵亦通其性滑如葵其葉頗似杏故曰葵曰荅詩經作荇俗呼荇絲菜也人謂之荅公鬚淮人謂之屬子菜江東謂之金蓮子許氏說文謂之擎<sup>音戀</sup>楚辭謂之屏風云紫莖屏風文緣波是矣明李東壁本草綱目

荅與蓴一類二種也立根連水底葉浮水上其葉似馬蹄而圓者蓴也葉似蓴而微尖長者荅也夏月俱

開黃花亦有白花者結實大如棠梨中有細子按獻寧王庚辛玉冊云鳩葵黃花者是荅菜白花者是白蘋卽水鏡草一種泡子名水鼈雖有數種其用一也其莖葉根花並可伏硫煮砂制礬此以花色分別蘋荅似亦未穩詳見蘋下同

謹按本草綱目蓴之附方引經驗良方云馬蹄草一名缺盆草其形如缺盆者是荷而非蓴也李東壁不識蓴似以泡子爲蓴故誤耳

楊慎卮言以四葉菜爲荅者亦非也四葉菜乃蘋也

上同

荇菜、一名荅菜、一名鳧葵、一名水葵、一名荅公鬚、一名荇絲菜、一名水鏡草、一名擎、一名屏風、一名麌子菜、一名金蓮子、一名接余處處池澤有之、葉紫赤色形似蓴而微尖長徑寸餘浮在水面莖白色根大如釵股長短隨水淺深夏月開黃花亦有白花者實大如棠梨中有細子氣味甘冷無毒治小渴利小便去諸熱毒火丹遊腫明王鑑臣二如亭羣芳譜

荇菜首見於三百篇吾鄉陂澤中多有之農田餘話

謂熟煮其味如蜜名曰荇酥然知之者絕少張七澤同上  
荇絲菜又名金蓮兒一名藕蔬菜水中拖蔓而生葉似初生小荷葉近莖有極剝葉浮水上葉中攢莖上

開金黃花莖味甜救飢採嫩苗燂熟油鹽調食明徐光啓

農政全書

茆鳧葵也魏張揖廣雅

詩云參差荇菜爾雅云荇萎余也字或爲荅先儒解釋皆云水草圓葉細莖隨水淺深今是水悉有之黃花似蓴江南俗亦呼爲豬蓴或呼爲荇菜劉芳具有

注釋而河北俗人多不識之博士皆以參差者是覓菜呼人覓爲人荇亦可笑之甚北齊顏之推家訓

荇一名接余白莖葉紫赤色正圓徑寸餘浮在水上根在水底與水深淺等大如鉗股上青下白鬻其白

莖以苦酒浸之脆美可案酒一作肥美○唐陸璣毛詩草木鳥獸蟲魚疏

爾雅曰荅接余其葉荇蓋荇一名接余亦或謂之鳧葵叢生水中莖如鉗股葉在莖端隨水淺深詩曰參差荇菜左右流之三相參爲參兩相差爲差參差言其出之無類左右言其求之無方王文公曰萎餘詩

雖以比淑女然后妃所求皆同德者則萎餘惟后妃可比焉其德行如此可以妾餘草矣若蘩蘋藻所謂餘草舊說藻華白荇華黃顏氏家訓云今荇菜是悉有之黃華似蕙是也夫后祭荇夫人祭蘩大夫夫妻祭蘋藻而詩之言荇止於芼而已蘩則曰于以用之蘩藻則至于盛之湘之奠之無所不爲焉亦其位彌高者其事亦彌略之證也又后妃言沼夫人言瀨大夫妻言澗后妃言洲夫人言沼言沚大夫妻言瀨言潦亦言之殺也且蘋蘩溫藻溪澗沼沚之毛也而荇則

異矣。故后妃采荇，詩傳以爲夫人執繁采以助祭，神饗德與信不求備焉。沼沚溪澗之草猶可以薦。后妃則荇菜也。據此，荇菜厚於蘋蘩，故曰后妃有闢睢之德，乃能共荇菜，備庶物以事宗廟。荇之言行也，蘋言賓藻言，藻繁言盛然，則荇菜言采，言芼是亦共之而已。故教成之祭，芼用蘋藻以成婦順易。曰德言盛禮言恭，又曰君子以成德爲行，然則后妃采荇，夫人采繁，大夫妻采蘋藻固有次第哉。且后妃夫人采一大夫妻采二二而足，非其至也。許大夫妻者不一而足。

宋陸佃  
埤雅

苦接余其葉。苻陸璣云：白莖葉紫赤色，正圓徑寸，餘浮在水上，根在水底，與水深淺等大，如鉤股上青下白，鬻其白莖以苦酒浸之，脆美可食。酒本草別本注云：荇菜生水中，葉似蕁，莖澀根極長，江南人多食。唐本云：是豬蓴全爲誤也。豬蓴與絲蓴竝二種，以春夏細長肥滑爲絲蓴，至冬短爲豬蓴，亦呼龜蓴。此與鳧葵殊不相似。案荇菜今陂澤多有，今人猶止謂之荇菜，非難識也。葉亦卷漸開，雖圓而稍羨，不若蓴之極

圓也葉皆隨水高低平浮水上花則出水黃色六出今宛陵陂湖中彌覆頃畝日出照之如金俗名金蓮子狀既似蓴又豬好食矣皆以小舟載取以飼豬又可糞田或因是亦得豬蓴之名顧但非蓴菜爾唐本注萍云水中萍有二種大者爲蘋水中又有荇菜亦相似而葉圓并水上小浮萍爲三以蘋喻之蓋似之耳詩參差荇菜左右流之已而采之已而芼之流者竝流而取之也采者導擇之也芼者芼以爲羹也禮曰牲用魚芼之以蘋藻荇亦可以爲芼爾陸德明曰

天官醢人陳四豆之實無荇菜者以商禮詩詠時事故有之案風有采蘩采蘋又有采藻采茆采芹之屬水草甚多而醢人所薦止於昌本茆芹藻蒲而已物之爲菹蓋自有所宜餘或爲芼羹之用豈可四物之外便謂商禮耶顏之推云荇先儒解釋皆云水草圓葉細莖隨水淺深今是水悉有之黃花似蓴江南俗亦呼爲豬蓴或呼爲荇菜而河北俗人多不識之博士皆以參差者是莧菜呼人莧爲人荇亦可笑矣宋羅

顧爾雅翼

朝日蓮花色或黃或白葉浮水上翠厚而澤形如菱花差大開則隨日所在日入輒歛而自藏於葉下若葵藿傾太陽之比素花碧葉浮秀波面日中則向日

入還歛宋祁益部方物畧記

金銀蓮湖中甚多園林盆泥蓄水種之但取二色重臺者可愛明高濂遵生八牋

謹按花史左編同

吾鄉荇菜爛煮之其味如蜜名曰荇酥郡志不載之爲漁人野夫所食此見于農田餘話俟秋明水清時

戴菊泛泖膾鱸擣橙并試前法同與蓴絲薦酒明陳繼儒

嚴棲幽事

嚴粲云今池州人稱荇爲荅公鬚蓋細荇亂生有若

明毛晉陸

嚴櫟疏廣要

荇菜詩集傳云接余也根生水底莖如釵股上青下白葉紫赤圓徑寸餘浮在水面可爲菹八閩通志

鳧葵卽荇菜福州府志

朝日蓮花色或黃或白葉浮水上翠厚而澤宋子京方物贊云素花碧葉浮秀波面日中則向日入還歛元

漳州府志

荇似蕁所結子味甘名荇酥揉粉作糕曰荇酥糕今不復見

松江府志

荇爾雅作荅接余也毛詩參差荇菜本草一名鳧葵一名水葵一名水鏡草一名麌子菜一名金蓮子葉似蕁稍尖長有黃白二花俗呼荇絲菜今俗呼燈心菜多采食之

肇慶府志

燈心菜水荇根也葉浮水如錢作百花豆許大上同

荇菜郭璞云叢生水中葉圓在莖端長短隨水淺深

詩周南關雎云參差荇菜是也

河間府志

荇黃花葉如蕁可

九江府志

金蓮池在慧山寺其水自第二泉流瀦其中金蓮蔓生如荇花開黃色似蓮而甚香

常州府志

荇亦作荅與蕁一類二種葉似馬蹄而圓者蕁也微

尖長者荅也

重修鎮江府志

荇野農多食

吳縣志

荇叢生水中葉圓在莖端長短隨水淺深

江陰縣志

荇菜生水澤中性柔滑可爲茹

常熟縣志

鳧葵、一名荇菜、一名金蓮花、處處池澤有之、葉紫赤  
色、形似蓴、而微尖長、長徑寸餘、浮於水面、莖白色、根大  
如釵股、長短隨水淺深、夏月開黃花、亦有白花者、實  
如棠梨、中有細子、入藥用。清陳淏子  
秘傳花鏡

荇、一名鳧葵、陸璣詩疏言、荇與荇似、未嘗謂荇、卽荇、  
干寶言、荇一名水葵、未嘗謂荇、卽蓴、本草鳧葵、卽荇、  
菜蓴別一物、圖經言、蓴葉似鳧葵、顏氏家訓言、荇菜、  
黃華似蓴爾雅翼言、蓴小于荇、非鳧葵與蓴合爲一、  
其說甚明、自魯頌采荇、周禮荇菹註皆云、荇鳧葵、正

韻荇註引鄭小同云、荇、蓴、菜皆誤合、荇、蓴爲一物、  
毛傳及朱註博雅皆然、至今因之。清廖文英  
正字通

謹按荇、以其生處同、形亦似故、往往相溷、鳧葵  
馬蹄竟爲二物之稱、其實、當馬蹄名、屬荇、鳧葵名、

屬蓴爾

水粟

一名水栗子

本草綱目

俗名密事法思州山城

草屬

水粟

一

水栗

陳藏器拾遺萍蓬草卽今水栗也其子如粟如蓬子也俗人呼水栗包又云水栗子言其根味也或作水

笠明李東壁  
本草綱目

謹按萍蓬草與水栗各自一種李東壁合爲一條誤也

水栗三月出水莖大如指葉似荷葉而大徑四五寸初生如荷葉六七月開黃花結實狀如角黍長二寸許內有細子一包如罌粟澤農采之洗擦去皮黍曝

春取米作粥飯食之其根大如栗亦如雞頭子根儉  
年人亦食之作藕香味如栗子昔楚王渡江得萍實  
大如斗赤如日食之甜如蜜者蓋此類也若水萍安  
得有實耶三四月采莖葉取汁煮硫黃能拒火又段  
公路北戶錄有睡蓮亦此類也其葉如荷而大其花  
布葉數重當夏晝開夜縮入水晝復出也

上同

水鏡草

一名芣苢嘉祐補註本草一名蘋同上一名泡子本草綱目草

一名水鼈同上一名鱗鼈爾雅翼

俗名思紫復摩那楷楷密山城

水鏡草

今按陳藏器本草云水萍有二種大者曰蘋葉圓闊寸許葉下有一點如水沫一名芣苢暴乾與枯櫻等分以人乳爲丸主消渴攜絞取汁飲主蛇咬毒入腹亦可傳熱瘡嘉祐補註本草

水萍生雷澤池澤今處處溪澗水中皆有之此是水中大萍葉圓闊寸許葉下有一點如水沫一名芣苢爾雅謂之芣其大者曰蘋是也周南詩云于以采蘋陸璣云海中浮萍麤大者謂之蘋季春始生可移栽

以爲茹，又可用苦酒淹。以按酒三月採暴乾蘇恭云此有三種。大者曰蘋中者荇菜，即下鳧葵是也。小者水上浮萍，即溝渠間生者是也。大蘋今醫方鮮用。

經圖

按獻寧王庚辛玉冊云：鳧葵黃花者是荇菜白花者是白蘋，卽水鏡草一種。泡子名水鼈，雖有數種，其用一也。其莖葉根花莖可伏硫、煮砂、制礬。

明李東壁本草綱目

今吳人嗜葦菜鱸魚，蓋魚之美者復因水菜以芼之。兩物相宜，獨爲珍味。然以鱸鰻爲之更足。生病古人

云俗無良醫，枉死者半。拙醫療病不如不療，喻如宰夫以鱠鼈爲葦羹食之，更足成病，豈充饑之可望乎。

宋羅願爾雅翼

蘋葉圓闊寸許，季春始生，可叡蒸爲茹。

八閩通志

蘋萍之大者白花生於水際。

江陰縣志

膚舌

一名眼子菜

野菜  
譜

俗名虛而摩施魯

膚舌

膚舌味辛微溫無毒主霍亂腹痛吐逆心煩生水中五月採陶隱居云生小小水中今人五月五日採乾以療霍亂良也

嘉祐補註本草

眼子菜眼子菜如張目年年盼春懷布穀猶向秋來望時熟何事頻年倦不開愁看四野波漂屋救飢采之熟食六七月採生水澤中青葉背紫色莖柔滑而細長可數尺

明王磐野菜譜

浮薈

一名烏英

醫

一名鳧葵

同上

一名浪陰草

同上

浮薔

浮薔采采浮薔涉彼滄浪無根可托有莖可嘗野風  
浩浩野水茫茫飄蕩不返若我流亡救飢入夏生水  
中六七月采生熟皆可食明王磐  
野菜譜

浮薔入夏生水中六七月採取湯淖曬乾再泡鹽炒  
拌食或醬醯拌食生食亦可明王思義  
三才圖會

浮薔食莖葉入夏生水中六七月采生熟皆可食此  
種卽浮蘋葉圓白花者是若葉尖黃花者其名曰荇  
其根莖亦可蒸爲蔬明姚可成  
荒野譜

烏英 一名鳧葵 一名浪陰草 生水中沙土間 穗條出  
水面 上葉似杜蘅葉 大葉有抽莖 開小白花 味苦性  
寒 微有毒 抜葉 煙熟食明徐爾 貞醫淮

萍蓬草

俗名革華復捏

萍蓬草

萍蓬草根味甘無毒主補虛益氣力久食不饑厚腸  
胃生南方池澤大如荷花黃未開前如算袋根如藕  
饑年當穀也

唐陳藏器  
本草拾遺

庶物類纂草屬卷之七十八目次

水萍

紫藻

田字草

水萍

一名萍爾雅 一名藻郭璞 一名水花神農本草一  
名水白名醫別錄 一名水蘚上同 一名九子萍雅埤  
名水簾羣芳譜 一名浮萍肇慶府志 一名瓢邵武府志

俗名胡巴忽索

水萍

萍、萍爾雅○萍音平

萍音餅

水中浮萍江東謂之藻晉郭璞爾雅註○藻音飄

其大者蘋爾雅

詩曰于以采蘋晉郭璞註

舍人曰萍一名萍大者名蘋郭曰水中浮萍江東謂之藻陸璣毛詩義疏云今水上浮萍是也其粗大者謂之蘋小者曰萍季春始生可繆蒸爲茹又可苦酒淹以就酒詩曰于以采蘋召南采蘋篇文也宋邢昺爾雅疏

萍萍浮萍也今謂之藻

宋鄭夾漈爾雅註

其大者蘋舊說卽萍類而大者按萍屬不可食此必  
葦類葉亦圓浮水上如萍也萍音瓶同

水萍陶隱居云此是水中大萍爾非今浮萍子藥錄  
云五月有花白色卽非今溝渠所生者楚王渡江所  
得非斯實也唐本注云水萍者有二種大者名蘋水  
中又有荇菜亦相似而葉圓水上小浮萍主火瘡今  
按陳藏器本草云水萍有二種大者曰蘋葉圓闊寸  
許葉下有一點如水沫一名芣苢暴乾與栝樓等分

以人乳爲丸主消渴擣絞取汁飲主蛇咬毒入腹亦  
可傳熱瘡水萍子是溝渠間者末傳面點擣汁服之  
主水腫利小便又人中毒取萍子暴乾末酒服方寸  
匕爲膏長髮本經云水萍應是小者臣禹錫等謹按  
爾雅云萍萍其大者蘋注水中浮萍江東謂之藻陸  
璣毛詩義疏云其麤大者謂之蘋小者曰萍季春始  
生可移蒸爲茹又可苦酒淹以就酒日華子云治熱  
毒風熱疾熱狂瘧腫毒湯火瘡風癬嘉祐補註本草  
水萍生雷澤池澤今處處溪澗水中皆有之此是水

中大萍葉圓闊寸許葉下有一點如水沫一名芣苢爾雅謂之萍其大者曰蕷是也周南詩云于以采蘋陸璣云海中浮萍麤大者謂之蕷季春始生可耘蒸以爲茹又可用苦酒淹以按酒三月採暴乾蘇恭云此有二種大者曰蕷中者荇菜卽下鳧葵是也小者水上浮萍卽溝渠間生者是也大蕷今醫方鮮用本草

經圖

本草所用水萍乃小浮萍非大蕷也陶蘇俱以大蕷註之誤矣萍之與蘋音雖相近字脚不同形亦迥別

今釐正之互見蘋下浮萍處處池澤止水中甚多季春始生或云楊花所化一葉經宿卽生數葉葉下有微鬚卽其根也一種背面皆綠者一種面青背紫赤若血者謂之紫萍入藥爲良七月采之淮南萬畢術云老血化爲紫萍恐自有此種不盡然也小雅呦呦鹿鳴食野之苹者乃蒿屬陸佃指爲萍誤矣明李東壁本草

目綱

浮萍其性輕浮入肺經達皮膚所以能發揚邪汗也世傳宋時東京開河掘得石碑梵書大篆一詩無能

曉者真人林靈素逐字辨譯乃是治中風方名去風丹也詩云天生靈草無根幹不在山間不在岸始因飛絮逐東風汎梗青青飄水面神仙一味去沉疴采時須在七月半選甚癱風與大風些小微風都不筭豆淋酒化服三丸鐵鎤頭上也出汗其法以紫色浮萍曬乾爲細末煉蜜和丸彈子大每服一粒以豆淋酒化下治左癱右瘓三十六種風偏正頭風口眼喎斜大風癲風一切無名風及脚氣并打撲傷折及胎孕有傷服過百粒卽爲全人此方後人易名紫萍一

粒丹同上

萍一名水花一名水白一名水簾一名薸處處池沼水中有之季春始生楊花入水所化一葉經宿卽生數葉葉下有微鬚卽其根也浮於流水則不生浮於止水一夕生九子故名九子萍無根而浮常與水平有大小二種小者面背俱青爲萍大者面青背紫爲薸一名紫萍今薸有麻薸異種長可指許葉相對聯綴不似萍之點點清輕也萍乃陰物靜以承陽故曝之不死惟七月中採取揀淨以竹篩攤曬盆水在下

承之卽枯死曬乾爲末可驅蚊蟲味辛寒能療暴熱身癢下水氣勝酒長鬚髮久服身輕善治風疾明王蓋臣

二如亭  
羣芳譜

○同  
製用取浮萍重五午時投廁中絕青蠅○五日午時取浮萍陰乾加雄黃作紙纏香燒之能祛蚊蟲法天生意

楚王渡江得萍實大如斗赤如日剖而食之甜如蜜江右萍鄉縣相傳楚王得萍實於此邑因以名而范石湖以爲去大江遠非是然萍實因渡江而得非謂上

得之大江中傳聞必有所自未可遽疑其說同上

萍一名水華一名水簾生雷澤爾雅曰萍萍也無根浮水而生其大者曰蘋本草曰味辛寒治暴熱身癢下水氣勝酒烏鬚髮久服輕身紫背者能治瘋春末夏初池澤中受雨水卽生瑣碎錄云柳絮落水經宿爲浮萍隨風移動色綠亦綴園林之景交冬自消如養魚則始生卽食盡無遺也明周文華致富全書

蘋今水上浮萍是也其麤大者謂之蘋小者曰萍季春始生可移蒸以爲茹又可用苦酒淹以就酒唐陸璣毛

詩草木鳥獸蟲魚疏

藻生乎水中萍生乎水上萍之名類亦多易相紊也爾雅云苹萍其大者蘋又云苹蘴蕭足以惑人萍者水中浮萍也江東謂之藻是也蘋水菜也葉似車前詩所謂于以采蘋是也苹蕘蒿也卽蘴蕭詩所謂呦呦鹿鳴食野之苹是也按萍亦曰水花亦曰水白宋鄭

夾漈昆蟲  
草木畧

謹按鄭夾漈所指蘋卽龍舌草也

苹一名萍無根而浮常與水平故曰苹也江東謂之

藻言無定性漂流隨風而已周官萍氏掌水禁鄭氏云以不沉溺取名蓋使之幾酒謹酒也詩曰呦呦鹿鳴食野之苹則飲且食也序曰旣飲食之又實弊帛筐篚以將其厚意又實弊帛以將其厚意則承筐是將也月令季春曰萍始生舊說萍善滋生一夜七子一日萍浮於流水則不生於止水則一夕生九子故謂之九子萍也淮南子曰夫萍樹根於水木樹根於土天地之性也故萍飄聚根反日暴則死矣萍之殖根以水爲地也世說楊華入水化爲浮萍宋陸佃

萍水，上小浮萍江東謂之薸。韓詩說沉者曰蘋，浮者曰薸。高誘曰：蘋大，萍水漂也。字並同，皆以漂蕩之漂音。簾瓢之瓢，薸之字似藻說者，遂以相紊，蓋非其類也。季春穀雨之日，萍始生，號爲一夕七子。無根但有小鬚垂水中而已。說文曰：萍無根浮水而生。楚辭曰：竊傷兮浮萍兮無根。然淮南云：萍植根於水木，植根於地，蓋萍以水爲地，垂根於中，則所垂者乃是根。今或反根於上，爲日所暴，卽死。是與失土同也。萬畢術曰：老血變之，謂聚血之精至黃泉上作此物，不爲

徑就水上變之爾。今有紫萍，直如血色，亦復可怪。周禮萍氏掌國之水禁，幾酒謹酒，禁川游者。夫萍水，物爾，而名官以謹酒，先儒以其不沉溺於酒，如萍之浮然，水萍之性勝酒。水萍雖非小萍類，亦萍之總名。故以戒人幾酒謹酒也。小雅鹿鳴食野之萍，毛氏以爲此鄭氏以爲非野所生，非鹿所食。易之曰：賴蕭然古。人以水草之交爲麋，則麋鹿亦食水草。今鹿家多就水傍食，又人家養豕，皆以萍食之。何嫌於鹿不食乎？下章食蕭，自陸草爾。宋羅願  
爾雅翼

本草綱目

卷之十八

今考本草水萍有二種其大者曰蘋葉圓闊寸許季春始生可移蒸以爲茹其中者曰荇菜其小者曰水上浮萍江東謂之藻毛氏以蘋爲大萍是也郭璞以蘋爲今水上浮萍卽江東謂之藻是以小萍爲大萍誤矣蘋可茹而藻不可茹豈有不可茹之藻而乃用以祭禪乎左傳云蘋繁蕪藻之菜蘋藻皆菜則可茹之物非藻也今藻止可養魚藻音飄○宋嚴粲詩緝

萍無根浮水而生楚辭曰竊傷浮萍兮無根宋謝翹楚辭芳

草譜

淮南子云萍植根于水木植根于地蓋萍以水爲地垂根于中則所垂者乃是根今或反根于上爲日所暴卽死是與失土同也明毛晉陸疏廣要

水萍一名水蘚浮生水面葉圓徑寸背紫色與溪澗所生小小者不同江南池澤處處有之三月採暴乾

明許奇周藥性奇方

謹按此說甚誤

按周處風土記萍蘋芹菜之別名此說非是芹別一

紫背天葵卽浮萍紫背者佳

明徐紳百代醫宗

物矣。蘋又有水陸之異。柳惲所謂汀洲采白蘋者，水生而似萍者也。宋玉所謂起于青蘋之末者，陸生而似莎者也。

明馮嗣宗六家詩名物疏

雲間人喬某者，以醫爲業。家奉祀呂純陽，甚謹。一夕夢呂謂之曰：水上浮萍甚能愈疾。幸多致之。及覺，併力收積至數十車。是冬大疫，十死八九。凡請喬診視者，藥中加萍一撮，無不立愈。其門如市，遂致萬金之產。疫過後，他醫有以重賂請其方者，比用之，都不復驗。

明謝肇淛餘

浮萍有大小二種，亦謂之瓢。八閩通志

謹按瓢當作漂。

萍爾雅翼曰：水上小浮萍江東謂之漂。韓詩浮者曰漂，高誘曰：蘋，大萍水漂也。字竝同，皆以漂蕩之漂音。簾瓢之瓢，遂以相紊。埤雅曰：無根而浮，常與水平故。

曰萃。漳州府志

浮萍生止水中，無根而浮，常與水平，故名浮萍。此有二種。大者曰蘋，有青紫二色。江東人謂之瓢。小者，水上浮萍。邵武府志

本草綱目

卷之十一

草屬 水萍

十

水萍大者俗呼爲浮萍其葉下有一點如水沫小者俗呼爲紫藻醫家多用此實爲水萍

瓊州府志

萍月令季春萍始生今俗呼浮藻柳花著水所化嶺表無柳花而萍更多有大小二種一曰背俱青一面

青背紫一種絕大者名豬母藻

肇慶府志

萍一名萍無根而浮常與水平越人謂之藻言漂流無定也舊說萍善滋生一夜七子一日萍浮於流水則不生於止水則一夕生九子世說楊花入水化爲

浮萍

紹興府志

萍土人呼爲浮藻小雅呦呦鹿鳴食野之苹蘋乃蔓蒿陸佃指爲此萍誤也

重修鎮江府志

萍爾雅翼曰水上小浮萍江東謂之藻韓詩浮者曰漂坤雅曰無根而浮常與水平故曰萍

汀州府誌

萍水草也世說楊花化爲浮萍爾雅注江東人謂之藻今俗呼浮藻

太倉州志

萍蘋萍也其大曰蘋周禮曰穀雨一日萍始生萍不生陰氣增盈

江陰縣志

萍雅翼曰水上小浮萍江東謂之藻韓詩浮者曰萍

埤雅曰無根而浮常與水平故曰萍

海澄縣志

天問靡萍九衢王逸注生九衢中謬也卽田字草破

銅錢醫鷄蒙眼最驗神農本經水萍勝酒故周禮萍

氏謹酒謂萍不溺也此一夕九子之小萍

清皖桐方物理小識

水萍鎮按紫背浮萍後人辨甚紛紜未有確據有人

云大者爲蘋中者名荇小者名萍然水中之草甚多

不可不一一辨之也蘋又名芣苢四葉菜田字草皆象

形而名者陶弘景云卽楚王渡江所得蘋以予言之則又非也此蘋生四葉而圓形如田字徑一二寸葉

浮水面根連水底其莖細於蕩苔其葉大於指頭而青背紫而有細紋頗似馬蹄決明之葉四葉合成中拆十字夏秋開小白花者蘋也又葉徑一二寸有一缺者而形圓如馬蹄者蕩也又似蕩而稍尖長者苔也又葉徑四五寸如小荷葉而開小黃花結實如小角黍者萍蓬草也云楚王渡江所得之蘋實卽此實也然大如斗或古大而今小未可知至赤如日甜如蜜予恐此實未能若此故前云亦不是也今之所采紫背浮萍亦係四葉相連根細而短根葉俱浮水面

者無花實雖云四葉相連細辨之則兩葉一連兩連中者如髮之脉貫之也每葉大者如蔻豆許耳前文云小者曰藻又不能不爲藻辨也夫藻亦有一種大者名馬藻葉長二三寸兩兩相對生小者名聚藻葉細如絲及如魚鰓狀一節長數寸有連生數十節者又名蘊又名鯢草爾雅云若牛藻也左傳云蘋蘩蘊藻之菜卽此種也大約水生數種之草皆甚清涼惟浮萍更能發汗萍蓬草則兼補益也更有一種名苦草細長如帶儼似海帶之狀鄉人絞取飼豬能治婦

人白帶竝嗜食乾茶葉而固黃無方者末之和炒脂麻不時乾嚼大佳

清何鎮本草綱目類纂必讀

楊入水爲萍是花中第一怪事花已謝而蘇樹其命絕矣乃又變爲一物其生方始殆一物而兩現其身者乎人以楊花喻命薄之人不知其命之厚也較天下萬物爲獨甚吾安能身作楊花而居水陸二地之勝乎

清李魚間情偶奇

水上生萍極多雅趣但怪其瀰漫太甚充塞池沼使水居有如陸地亦恨事也有功者不能無過天下事

其盡然哉上同

馬藻類

卷之十八

紫藻

一名馬藻埤雅 一名紫萍羣芳譜 一名麻藻上同

紫藻

韓詩曰沉者曰蘋浮者曰藻蓋藻萍類也似槐葉而生生道旁淺水中與萍雜至秋則紫今俗謂之馬藻亦呼紫藻宋陸佃

埤雅

按陸氏云藻出乎水下而不能出水之上羅氏亦云橫被水下則藻非浮者了然矣或因韓氏云浮者爲藻誤刻作藻遂謂藻亦出乎水上謬甚明毛晉陸疏廣要萍無根而浮常與水平有大小二種小者面背俱青爲萍大者面青背紫爲藻一名紫萍今藻有麻藻異

種長可指許葉相對聯綴不似萍之點點清輕也王明

蓋臣二如  
亭羣芳譜

田字草

一名蘋本草綱目一名四葉菜同上一名破銅錢同上

一名浮菜兼明書一名白蘋同上一名十字草通雅

田字草

蘋本作蘆。左傳蘋繁蘊藻之菜可薦於鬼神，可羞於王公。則蘆有賓之義。故字從賓。其草四葉相合，中折十字，故俗呼爲四葉菜。田字草破銅錢皆象形也。諸家本草皆以蘋註水萍，蓋由蘋萍二字音相近也。按韻書，蘋在真韻蒲真切。蒲在庚韻蒲經切。切脚不同爲物亦異。今依吳普本草別出於此。明李東壁本草綱目

蘋乃四葉菜也。葉浮水面，根連水底，其莖細於蓴苔。其葉大如指頂，面青背紫，有細紋，頗似馬蹄決明之

葉四葉合成中折十字夏秋開小白花故稱白蘋其葉攢簇如萍故爾雅謂大者爲蘋也呂氏春秋云菜之美者有崑崙之蘋卽此韓詩外傳謂浮者爲藻沉者爲蘋曜仙謂白花者爲蘋黃花者爲苔卽金蓮也蘇恭謂大者爲蘋小者爲苔楊慎卮言謂四葉菜爲苦陶弘景謂楚王所得者爲蘋皆無一定之言蓋未深加體審惟據紙上猜度而已時珍一一采視頗得其真云其葉徑一二寸有一缺而形圓如馬蹄者尊也似尊而稍尖長者苦也其花竝有黃白二色葉徑

四五寸如小荷葉而黃花結實如小角黍者萍蓬草也楚王所得萍實乃此萍之實也四葉合成一葉如田字形者蘋也如此分別自然明白又項氏言白蘋生水中青蘋生陸地按今之田字草有水陸二種陸生者多在稻田沮洳之處其葉四片合一與白蘋一樣但莖生地上高三四寸不可食方士取以煅硫結砂煮水謂之水田翁項氏所謂青蘋蓋卽此也或以青蘋爲水草誤矣同上

蘋一名芥菜一名四葉一名田字草葉浮水面根連

水底莖細於蕁，葉大如指頂，面青背紫有細紋，頗似馬蹄決明之葉，四葉合成，中折十字，夏秋開小白花，故稱白蘋。其葉攢簇如萍，故爾雅謂大者爲蘋也。

氣味甘寒，滑無毒，主治暴熱下水，利小便。明王蓋臣如亭羣

芳譜

辨訛。其莖徑一二寸，有一缺而形圓如馬蹄者，蕁也。似蕁而稍尖長者，薺也。其花竝有黃白二色，葉徑四五寸，如小荷葉而黃花結實，如小角黍者，萍蓬草也。楚王所得萍實，乃此萍之實也。四葉合成，一葉如田

字形者，蘋也。如此分別，自然明白。同上

太原晉祠冬有水底蘋不死食之甚美。唐段成式西陽雜俎續集  
蘋昏義曰：教成祭之牲用魚，芼之以蘋藻，所以成婦順也。蘋之言賓也，藻之言潔也，魚亦柔巽，隱伏故此三者昏禮以成婦順。韓詩曰：沉者曰蘋，浮者曰藻，葢藻萍類也。似槐葉而運生，生道旁淺水中，與萍雜至，秋則紫，今俗謂之馬藻，亦呼紫藻，故曰于以采藻于彼行潦而傳云：藻聚藻也。呂覽曰：菜之美者，崑崙之蘋，高誘謂蘋大蘋水藻也。據此蘋卽所謂藻水藻，絜

處乃有故曰于以采蘋南澗之濱也先言于以采蘋南澗之濱後言于以采藻于彼行潦亦言大夫妻之德有隆而無殺左傳曰潢行行潦之水蘋蘩蕰藻之菜可薦於鬼神可羞於王公淮南子曰容華生蘋蘋生萍藻萍藻生浮草謂是歟蓋非蒲藻之藻萍藻之藻浮蒲藻之藻沉草木疏以爲葉似蓬蒿莖如釵股而大謂之聚藻類矣按顏氏家訓云莙牛藻也卽璣所謂如蓬者也郭璞注二蒼亦云蕰藻之類則明非蕰藻蕰藻一名聚藻蕰聚也藻出乎水之上蘋出乎

水之下故大夫妻采之然而采繁曰可以奉祭祀而采蘋言共者蓋曰于以用之公侯之宮則所謂奉也于以奠之宗室牖下則是共之而已若然誰其尸之有齊季女者祭主也蓋非大夫妻春秋傳曰濟澤之阿行潦之蘋藻置諸宗室季蘭尸之敬也說者以爲季蘭季女佩蘭者也然則大夫之妻教成之祭共蘋蘩爲於是使女之季者佩蘭主而奉之故傳以爲季女微主也宋陸佃埤雅

苹萍其大者蘋葉正四方中折如十字根生水底葉

敷水上不若小浮萍之無根而漂浮也故韓詩曰沉者曰萍浮者曰薸薸音瓢卽小萍也萍亦不沉但比萍則有根不浮游爾五月有花白色故謂之白萍呂氏春秋曰菜之美者崑崙之蘋萍焉陸璣詩義疏曰可移蒸爲茹又苦酒淹以就酒采蘋之詩大夫妻所以承先祖共祭祀故采蘋於南澗之濱又采藻菜於行潦而亨之鄭箋曰亨蘋藻者於魚泔之中是鉶羹之芼古者婦人將嫁三月教以四德教成祭之牲用魚芼之以蘋藻蘋藻水物與魚相宜如會膳食者魚

則宜茂皆水物所以明婦順也亦蘋之言賓藻之言澡柔順潔清取以爲戒左傳曰苟有明信澗谿沼沚之毛蘋蘩蕰藻之菜箱莒錡金之器潢汙行潦之水可薦於鬼神可羞於王公蘋之極大者則有實楚王渡江有物觸王舟其大如斗而赤食之而甘孔子以童謠決之曰蘋實也雖皆萍之類然實蘋矣非無根者所能生也又天問曰靡萍九衢言其枝葉分爲衢道猶今言花五出六出也靡萍九衢異方之物故特奇偉今浮萍三衢蘋雖大四衢而已九衢而大於蘋

則亦大蘋非特萍也。又本草稱水萍亦謂此物。陶隱居云：非今浮萍子，此三事皆得萍名，而實蘋也。故詳著之，使覽者無惑焉。說文：蘋大萍也。○

蘋葉正四方中折，如十字根生水底，葉敷水上，天間

未

爲

分

了

而

湖

州

圖

經

謂

之

不

滑

之

萼

大

謬

矣

按

爾

雅

釋

草

云

蘋

大

萍

左傳

云

蘋

繁

蘊

藻

之

菜

然

則

蘋

爲

出

也

宋謝翹楚辭芳草譜

明日經典言蘋者多先儒罕有解釋毛詩草木疏亦未爲分了，而湖州圖經謂之不滑之萼大謬矣。按爾

雅釋草云蘋大萍左傳云蘋繁蘊藻之菜然則蘋爲

出也。宋謝翹楚辭芳草譜

蘋類根不植泥生於水上，今人呼爲浮菜者是也。入夏有花，其花正白，故謂之白蘋，或曰蘋花夏生，而柳惲詩云汀洲採白蘋，日落江南春何也？答曰：以蘋花色白，故通無之時，亦可呼爲白蘋也。宋丘光庭兼明書

蘋葉圓闊寸許，季春始生，可移栽爲茹。八閩通志

蘋葉之大者，白花生於水際。江陰縣志

蘋葉浮水面，四葉相合，中折十字，土人呼爲田字草。

亦曰四葉菜。重修鎮江府志

蘋本草作芣苢，李時珍曰：蘋本作蕡。左傳：蘋繁蘊藻。

亦曰芣苢。江陰縣志

勿貞集

卷二十八

草屬 田字草

七

之菜可薦於鬼神可羞於王公則蕡有賓之義故俗呼四葉菜田字草破銅錢皆象形也四葉合成一葉如田字生水中曰白蘋蓋萍蘋二物不同今特別之肇諸家皆以蘋爲水萍蓋萍蘋二物不同今特別之肇

府志

蘋似槐葉生道旁淺水中與萍雜至秋則紫越中謂之馬藻亦呼紫藻韓詩沉者曰蘋浮者曰藻紹興府志蘋鄭玄曰蘋之爲言賓也藻之爲言澡也雅翼曰根生水底葉敷水上不若小浮萍之無根而漂浮也故

韓詩沉者曰蘋五月有花白色故謂之白蘋海澄縣志萍蕡萼荇一類也靡蘋田字草也○天問靡蘋九衢言枝葉分爲衢道也鄧潛谷謂其有根而大蓋有二種生湖中大田中者小所謂青蘋也水中破銅錢曰白蘋爾雅萍其大者蘋郭璞曰江東曰藻說文曰蕡大萍攀鳬葵蘇恭言萍三種中荇大蘋此據爾雅本文東壁何得非之而專以破銅錢爲蘋也殆據吳普本草水簾乎破銅錢名四葉菜又呼十字草湖塘田中皆生之能醫雞矇眼拾遺陳藏器謂之芣苢正

是升菴卮言謂之田字草又謂四葉菜爲荅荅卽荇也謂荅類耳儻所謂藻乎古人字嘗通用東壁以葉徑一二寸有一缺而圓如馬蹄者尊也似尊而稍尖長者荅也花黃白葉徑四五寸如小荷而結實如小角黍萍蓬草也卽楚王萍實此不必然萍結實者名水粟水梟荇菜韓詩作荅卽鳧葵接余荷也江東謂之金蓮子今江北冬茜其根楚辭謂之屏風云紫莖屏風之緣波是矣蓴一名茆賈思勰以爲純顏之推曰蔡朗父名純改爲露葵或曰錦帶一呼馬蹄草陸

廣微曰靈巖池有純卽蓴長者絲蓴老曰葵蓴甚滑美入口卽化無功引鶴蹠草于寶謂卽蓴菜一名水葵鹿食之莘則蒿也蓴茆音卯女萎一名茆是茆音柳韻會不知反以毛光爲誤明方以智通雅

鳥類集

卷之十一



